



UNIVERSITÄTS-
BIBLIOTHEK
PADERBORN

Universitätsbibliothek Paderborn

Assertio Omnium Articulorum M. Lutheri, Per Bullam Leonis X. Novissimam Damnatorum

Luther, Martin

[Basel], 1521

VD16 L 3876

Septimus. Verissimu[s] est em[...] prouerbiu[m], & omni doctrina de
Contributionibus hucusq[ue] data, praestantius, quo dicitur, Optima
poenitentia noua uita.

urn:nbn:de:hbz:466:1-33308

ARTICVLORVM DAMNATORVM

se scirent, & nihil de hypocrisis tali præsumerent, immo super ea magis quàm super peccatis, quorum intuitu fictum istud dolorem coegerunt, dolerent.

Indurati se/
cuius urgeant
ad poenitentiam
quàm prius.

Indurati quomodo coguntur

Admitto sane, crassos illos & induratos impios, qui non dum conscientias habent, terroribus illis, sicut seruos indomitos, urgeri ad poenitentiam, sicut Magistratus gladio coercet sceleratos. Sed ubi conscientia sunt, ibi certe instituenda sunt, ut a Christo primùm incipiatur, & in misericordiam eius credentes vitam mutent. Tum enim primùm poenitentia vera incipit quoniam ex amore fluit, sicut & ipsi dicunt. Tunc non amore commodi, nec timore poenae, sed affectu solius iustitiae peccata colligunt & ponderabunt, ut haec fufius in sermone de poenitentia dixi. Quoniam enim de poenitentia docemus, eam docere debemus, qua fiant Christiani ex corde poenitentes, quod non facimus nisi fidem doceamus omnium primo eos qui peccata sua sentiunt, ne praeventa stulta operum opinione incipiant salutem a seipsis operantibus & currentibus, & non a misereunte deo. Aliud enim est genus docendi induratos illos, ferreas ceruices & areas frontes, ab externis saltem peccatis coercere, etiam si corde inuito, & coerceri odiente, peiores in semet ipsis fiant, minus tamen nocebunt alijs.

Poenitentia
quomodo docenda.

Notatu dignum.

SEPTIMVS.

Verissimū est enim prouerbiū, & omni doctrina de Contritionibus hucusque data, praestantius, quo dicitur, Optima poenitentia noua uita.

Prouerbia
hominum
uerissima.

In omnibus hominum uerbis, nihil uerius est comibus prouerbis, adeo ut & scriptura sancta saepius prouerbia tanquam uerissima citet. Quocirca mirum quid illis acciderit, ut contra omnium sensum & sententiam audeant damnare, & mea non sit ista sententia, unde & defendendam eam relinquo omnibus. Ego autem defendo quod addidi, quo ostendi, id prouerbij

MAR. LVTHERI ASSERTIO

hij cum scriptura conuenire, ubi Paulus Gala. vj. dicit: In Christo enim Iesu neq; circūcisio, neq; præputium aliquid ualeat, sed noua creatura. Hanc sententiã debuerãt damnare, quo stabiliuĩ prouerbiũ, dum me uoluerunt damnare; Plane enim hic apostolus docet, omnia uana esse, nisi si mus noua creatura in Christo; At pœnitentiã, quę sine amore iustitię agitur, uetas adhuc est creatura, non plus ualens q̄ circūcisio aut præputium. Nam & Paulus cū conuertur luce subita circūfusus, eodem momento charitate indutus est, dicens, Domine quid me uis facere? Hęc uerba non dicit pœnitentiã seruili, quę potius horret, & fugit a facie domini, sicut Iudas Scarioth, Charitas sola dicit, Domine quid me uis facere?

Contritio
quid.

Nota

Sis ergo certus, simul dum cõteritur, simul & gratia infunditur, & in medio terrore diligit iustitiam, si uere pœnitet, sin autem non simul diligit, non uere pœnitet. Probati enim sapientius infusionem gratiæ fieri cum magna animi concussione. Sicut beata uirgo ad ingressum angeliturbata est, & hac ipsa turbatione ad summũ amorẽ uirginitatis impulsã est; Neq; em̄ uehemẽtius unq; amauit uirginitatẽ, q̄ hac hora, in qua uiri personã solitaria intuens, metuit uolentiã castitatis; Ita peccator dũ uirtute dei compungit & uisitatur p̄ gratiã, uehemẽter cõcutitur, atq; hac ipsa concussione ad odiũ peccati & amorẽ iustitię rapitur. At qui sua uel legis solius uirtute pœnitet, cõcutitur quidẽ sed fingit odiũ peccati, quia stat sententiã, Virtus peccati, lex. Nollet em̄ sic concuti, multo magis ij fingunt, qui sine cõmõtionẽ solis cogitatioibus frigidis peccata recogitãt.

Ex infusione
gratię concu
titur animũ.

OCTAVVS.

Nullo modo præsumas confiteri uenialia peccata, sed nec oĩa mortalia, quia impossibile est ut oĩa
Ee ij mortalia